

M514: Reinmar von Zweter

- 1,1 Ich fagt vch gerne nu hort waz.
 1,2 Div ware mīne got betwungen hat. vñ merkēt daz.
 1,3 Erbermede vñ gŷte. di clagten gote wir werē gar uerlor.
 1,4 Di ware minne got enbot.
 1,5 dc er vns fante ſinen ſvn her nið in den tot.
 1,6 vñ vns von helle erlofte. dar zv het in dív ware mínne erkorⁿ
 1,7 Nv feht alfo gewaltic iſt dív mínne.
 1,8 ŷfwige ich dc war tete ich mine ſinne.
 1,9 In twanc ſin gotlichiv wirde.
 1,10 dc er vns menſchen wart genoz.
 1,11 der kvnic ob allen kvnigē groz.
 1,12 Ð ervulte gar ð warē mī=ne ir girde.
- 2,1 Do wonte ein magt vf erde hie.
 2,2 di fante ir boten vf nach gotes ſun nu m̃kent wīe.
 2,3 Jr kvſche vñ ir demŷte. ir zvht ir ſcham. ir groze rei=nicheit.
 2,4 Di latten got mit ganzer craft.
 2,5 alfo dc er ir fante di hohgelobten bot=ſchaft.
 2,6 dc ſi in magt geþe. Dc wart ir von dem en=gele do gefeit.
 2,7 Do di botē di lieben mere ūnamē.
 2,8 vñ ſi in ganzen glovben des be=quamen.
 2,9 ð heilige geiſt der enphienc ſo ſchone.
 2,10 daz kint mit manigen tvgenden ſo.
 2,11 daz wonte vnð ir brvftē do.
 2,12 vnze ſi in gebar. waz gebē wir ir ze lone.
- 3,1 Do got her in erde wolte komen.
 3,2 vñ in gebar ein reine magt/ di er im ze mṽt het genomen.
 3,3 do h̃p ſich vnſer felde. an ſinem li=be h̃p ſich vngemach.
 3,4 An dem vronen crvze leit er den tot/
 3,5 da mite er vns er=lofte vz grozer angeſt. vz grozer not.
 3,6 Er gewan vns feliclichen/ mit allem rehte er do di helle zerbrach.
 3,7 Do erſchein ein lieht dc fante er vns ze trofte.
 3,8 da mite er vil manige fel erlofte.
 3,9 Sin gūte dív werde vns noch ze teile.
 3,10 vñ ovch ſin bl̃vt e wir ŷuarn.
 3,11 dc vns di fel folbe=warn.

- 3,12 mit vrouden dort in ewlichem heile.
- 4,1 Adam. vñ manic vñlorn fel.
 4,2 vrowet dc in d helle do d engel Gabriel
 4,3 "Aue" Ma=rien kvndet. daz reine wort vñ fi in magt gebar.
 4,4 den hochgelobten reinen got.
 4,5 des menfchheit an dem crv=ze/ leit den tot nach dem gebote.
 4,6 als in di minne ler=te. vñ im gebot/ dc wart ervullet gar.
 4,7 Sin fvndenblozer lip der lie fich tōten.
 4,8 Sin vnſchuldic tot half vns vz nōten.
 4,9 Er brach di helle nach finer vrfende/
 4,10 do war^t vil manic fel erloft.
 4,11 nv bitē ich dich vil fñzer troft.
 4,12 daz dv mir gebeft ware ríwe vor minem ende
- 5,1 Got vater diner manigē tvgende.
 5,2 vñ dines fvns. di der begangen hat in finer ívgende.
 5,3 dern ift kein ſo cleine. fi enſie menſchlichē lobe noch zv groz.
 5,4 Der tv=gende han ich eine mir gar vz erwelt.
 5,5 di ſelben tvgende lob ich herre an dir.
 5,6 wan fi ift alfo groz/ dc fi dir hñre ſelben ift genoz
 5,7 Si was ie vñ ift noch din ratgebīne.
 5,8 ob allen tvgenden gar eín kvnigunne.
 5,9 mit hulden mvz ich dir fi nennen.
 5,10 ez ift din reine barmekeit.
 5,11 di vnfer tegelichez leit.
 5,12 dich herre tvt genediclich erkē=nen.
- 6,1 Got ua^t fvn heili^g geift.
 6,2 dv aller gvten dinge ane=genge. vñ ende weiſt/
 6,3 dich gebar von einem worte. eín reiniv magt nach mv=tlích^h trahte.
 6,4 Di geburt dir einē wol gezam.
 6,5 din menſ=heit an dem crvze den tot durch vns anſich nam.
 6,6 du erſtvnde an dem dritten tage. dín tot den vnfern ſo vñwant.
 6,7 fwer dar an zwi=uele d gedenke an di wund^l.
 6,8 di dv tete vñ vor den ívden befvnd^l.
 6,9 vñ geloube dine drie namen dich eine.
 6,10 dc din gewalt ift ane zil.
 6,11 hilf mir des ich dich biten wil.
 6,12 dc riwe vñ bihte mich von fvnden reine.
- 7,1 Got aller gvten dinge vrfprinc.
 7,2 got aller wite vñ aller lenge ein vmmegeñd rinc.
 7,3 got aller hohe ein dach. got aller tiefe eín endeloſ grvnt.
 7,4 ſich herre vz diner gotheit
 7,5 her abe in dinen tivren kouf. d criftenheit leit.
 7,6 Durch dinen einge=born fvn d an dem crvce wart vñwunt.
 7,7 Mit ſinem blvte mehelte er vns zv brv=ten.

- 7,8 din hantgetat folt dv noch herre trṽten.
 7,9 dvrch dē đ vns da hat gevriet.
 7,10 von helle vñ von des tiuels clo=ben.
 7,11 den fvlen wir herre mıtfam̃t dir loben
 7,12 vur einen got. des namen fınt gedri=et.
- 8,1 Ihc̃ dv gotes wundē bot.
 8,2 ihc̃ dv menschen kint vñ got. vñ ebenmehtic got.
 8,3 Dv himelfippe uaterhalp. Du erden fippe mũthalp.
 8,4 Dv uaterhalp Johs̃. ar.
 8,5 Leo Ma^r=cus m̃ṽthalp. Matheus mensch gar.
 8,6 hie mit be=zeichenunge an Lucas f̃tat geformet als ein calp.
 8,7 Di vier ewāgl̃fte vñ ir bilde.
 8,8 fınt vngelertē lutē gar ze wilde.
 8,9 waz ar. waz Leo. waz mens̃ch meine.
 8,10 waz calp betṽte an lucas f̃tat.
 8,11 der ane crift ie misse=trat.
 8,12 were im̃ daz kunt. der vurde gar zw̃iuels eīne.
- 9,1 Math̃s menschen bilde hat.
 9,2 wie got ein mens̃ch wart. von im̃ vns daz geschriben f̃tat.
 9,3 in mani=gem ewāgl̃io di got selb̃ sprach dvrch sinen mṽnt.
 9,4 Wie got alfam̃ ein calp uertr̃vc/
 9,5 den tot an der mens̃cheit. wie man in an daz cruce fl̃vc.
 9,6 daz machet lucas calp mit si=ner s̃chripte von criftes tot vns cunte.
 9,7 Wi er von tode erstṽnt mit lewen crefte.
 9,8 daz s̃chribet Marcus leo mit meist̃f̃cheftē.
 9,9 Johs̃ ar von đ gotheit.
 9,10 di hohen wif=heit niht entspart.
 9,11 in arn wifē gotes himeluart.
 9,12 do gap vñ git noch maniġ fele geleite.
- 10,1 Got herre fwes dv an vns gerft.
 10,2 des mugen wir dich nit wol gewern. edaz dv vns gewerft.
 10,3 wilt dv uon vns reine gedenke reinē m̃vt. vñ reinez leben.
 10,4 Wa fvlen wir herregot daz nemen.
 10,5 din reinicheit. di welle vns reinen fo daz wir zemen.
 10,6 Wilt dv daz wir nach dinem willē leben. den willen m̃vs dv vns geben.
 10,7 Wer kan iht g̃vtes ane dich beginnen.
 10,8 wes herze mac dich f̃vnđ dich geminnen
 10,9 Wie k̃u=nen wir herre dir geleistē.
 10,10 iht g̃vtes ane din volleift.
 10,11 di vns zegebene hat din geift.
 10,12 den felben geift la herregot vns geiften.
- 11,1 Got herre gip vns hvte heil.
 11,2 fo daz vnf m̃vze w̃=den alles des gebetes ein teil.
 11,3 des hvte wirt gepro=chen. fo wit di criftenheit begriffen hat.

- 11,4 Vaʒ vnde muter mīn.
 11,5 brvder vnde ſwelf. ſvln ouch dar inne ſin.
 11,6 darzv mine mage uʒ alle di min gebet zv rehte ſtat.
 11,7 Darzv ſo wunſche ich des den criften allen.
 11,8 daz ſi mit houbetſvnden iht ueruallen.
 11,9 vñ daz wir w̄dē alfo ervunden.
 11,10 ſo got an dem gerihte ſte.
 11,11 daz wir vor im̄ wern̄d we.
 11,12 mit finer craft. des tages da w̄den enbvnden.
- 12,1 Ehi wie wuniclich ein ſchar.
 12,2 da di vil reine tri=nitae in ein gefament gar.
 12,3 zv uoller angeſihte vñ ouch di edele mvtere bi geſtat.
 12,4 Di aller ḡvte iſt vbervl̄t.
 12,5 ich meine criftes m̄v̄t. di da bezzer iſt dan ḡv̄t.
 12,6 pphetē. p̄riar=chen. der engele ſchar ouch da uil ſchone hat.
 12,7 Zwelfboten vñ vier ewangeliftē.
 12,8 martere. vñ an̄de ḡvte criften.
 12,9 bihtere. megede. witewen. vrowen.
 12,10 vnde alle gotes heiligen gar.
 12,11 herregot nv hilf vns dar.
 12,12 daz wir ſi dort mit vrov=den m̄zen ſchowen.
- 13,1 Got herre uater da dv biſt.
 13,2 gewaltic in dem hime=le. vñ ouch alles des dir iſt.
 13,3 geheiligt werde din nam. zv m̄ze vns comē ouch daz rich din.
 13,4 din wil=le werde dem geliche.
 13,5 eruol=let vf der erde. reht als in dem himelriche.
 13,6 vnſer tege=lich brot. daz gip vns her=re als wir des durftic ſin.
 13,7 Vergip vns armen alle vnſere ſchulde.
 13,8 als dv wilt daz wir dvrch dine hulde.
 13,9 vergelten ſwaz wir ie ge=namen.
 13,10 Swi groz aber vnſer ſchulde ſi.
 13,11 di loſe vns herre vñ mache vns vri.
 13,12 dvrch dinen tot. vor allem ubele. amen.
- 14,1 Ich wil iv ſingen nv mer=kent daz.
 14,2 von vnſerre vro=wun lobe. daz wir ſi eren deſte baz.
 14,3 von kuniges k̄u=ne iſt ſi geborn. des m̄zē mir di wiſen iehen.
 14,4 Got ʒ geſchv̄f nie niht ſo clar.
 14,5 ſi uberluht ez allez. daz iſt endelichen war.
 14,6 ſo kuſche vñ ouch ſo reine
 14,7 wart nie kuniginne megeſehen
 14,8 Si enkan nit zurnen. ſi kan vil wol ſvnen.
 14,9 ſi machet manigen durren m̄v̄t uil gr̄nen.
 14,10 ir ſvze ſvzet alle ſvre
 14,11 der himel vñ erde was zegroz.
 14,12 den enphinc div vrowe in ir ſchoz.

- 14,13 nu ſprechēt an. wa wart ie magt ſo tv̄re.
- 15,1 O wol dir Gabrieles mūt
 15,2 du tete ein kint der reinē minnicliche f̄vzen kunt.
 15,3 daz iſt reiner herzen wunne. Vn̄ criften feln ein imm̄ werend̄ hort.
 15,4 Ez was der f̄vze Emanuel.
 15,5 den dv Ma=rien. kundefſt vil werder engel Gabriel.
 15,6 got mit vns des ḡvte. wart nie vollobt von menſchen zvngen wort.
 15,7 Wol vns der grozen eren. daz der reine.
 15,8 got wart menſchen kint mit vns gemeīne.
 15,9 im wart vil mani=ġ hande ſwere.
 15,10 ane f̄vndē brōde bekant.
 15,11 Ih̄c chriſt iſt er genant.
 15,12 Marien fun der f̄vze vn̄ vroudebere.
- 16,1 Groz wund̄ daz uns iſt geſchehen.
 16,2 von einer magt des m̄r alle chriſten m̄v̄=zen iehen.
 16,3 den himels wite nie vmbeuie. di doch nie ende gewan.
 16,4 noch mit der hohe in vmbeuie.
 16,5 noch mit der witen tiefen grundeloſ helle nie.
 16,6 den vmmeuīnc ir cleiner lip. da merkent wū=der an.
 16,7 ſi leite in miniclichē zv ir ſchozen.
 16,8 waz wonders mac dem wund̄ ſich genozē.
 16,9 kintlichen leite er ſich zir bruſten.
 16,10 m̄v̄terlichen fou=get ſi in.
 16,11 ſi wante ir ougē dicke dahin.
 16,12 wir habenz da vur. ſi helfſt in vn̄ cuſten.
- 17,1 Nv ſi vron Euen diz ver=clagt.
 17,2 ſit daz got iſt wor=den got von einer reinen magt.
 17,3 di magt iſt mūt worden. ſo daz ir megtlich ere iſt ganz beliben.
 17,4 Ir ku=ſche wīz lilien glanz.
 17,5 iſt vn̄uweſt. vn̄ ouch ſin got=lich flamme ganz.
 17,6 ſo min=niclich̄ orden wart nie von mūt libe mer geſchriben.
 17,7 Si hat den ſtarken got vns vberwunden.
 17,8 daz ſin gewa^{lt} iſt ſo von ir gebunden.
 17,9 daz er niht wan gnade butet.
 17,10 vride vn̄ ſtete f̄vne er git.
 17,11 waz eren an ir kuſche lit.
 17,12 nv wol im wart der ſi von herzen trvtet.
- 18,1 Maria kuniginne her.
 18,2 laz vns geniezen daz uil dicke der wiſeloſen her.
 18,3 gert vrowe diner helfe. nu hilf ouch vns durch alle di vroude din.
 18,4 Der ich dir fünfe nennehte.
 18,5 div erſte. daz din heilic lip den uil hohen gr̄vz enphie.
 18,6 den dir der engel brahte. daz dv gotes muter ſoltes ſin.
 18,7 Di ander/ daz dv ihm̄ crift gebere.

- 18,8 die dritte daz dv in grozen vrouden were.
 18,9 Do man dir fagte fine ur=ftende.
 18,10 di uierde was fin himeluart.
 18,11 di vunfte dir gekundet wart.
 18,12 do er dich heime vúrte ane miffewē=de.
- 19,1 Ez ift uíl manigem minnere leit.
 19,2 ob ieman finer vrowen dienet vf genedikeit
 19,3 wand er wil eine ir einer dienen vmb ir hvlde vñ vmb ír grṽz.
 19,4 Nv grifen alle chriften zv.
 19,5 vñ dienen miner vro=wen. dienen fpate vñ die=nen vr̃v.
 19,6 mit minem gvtē willen. Si tṽt in allen all̃ forgen bṽz.
 19,7 Der diener fol keíner den andern ni=den.
 19,8 fi fvl̃n alle vnkufch ouch gar ũmiden.
 19,9 fi ift rei. fi enmvtet nit wan reínes.
 19,10 ir wont di ware minne bi.
 19,11 fi ift alles wandels vri.
 19,12 er felic man dem fi gewíket eins.
- 20,1 Swer gerne mīniclichē lige.
 20,2 vñ in den felben vr̃=den doch den funden an ge=fige.
 20,3 den wífe ich an ein bette da er uil maniger vrouden nietet fīch.
 20,4 Lege fīch uf fine baren knie.
 20,5 vñ rṽfe tougenlichen zv đ magt di fṽnde nīe begie.
 20,6 fpreche anders niht wan “vrowe durch dine groze gṽte erhore mich..”
 20,7 Wi kude er baz geligen vñ gemín=nen.
 20,8 mac er di vrowun er=wb̃en vñ gewinnen.
 20,9 dív kan wol wernde vroude ma=chen.
 20,10 ir gṽte vrowet iebaz vñ baz.
 20,11 ir gṽte wirt. fin matraz.
 20,12 fo wirt ob im ir gṽte fin decklachen.
- 21,1 Dv funden bloz dv ualfches bar.
 21,2 du himelurowe gewal=tic uß alđ engel fchar.
 21,3 des himels vñ der erde. ṽndes fwes din kint dar inne be=griffen hat.
 21,4 Du chriftes mṽt reine magt.
 21,5 du erluhtes vinf̃tere naht. als fi mit funnen fi betagt.
 21,6 du gruntuefte fteter tri=wen. du fchirmerinne gotef hantgetat.
 21,7 Du fṽne=rinne chriften. ívden hei=den.
 21,8 di wol daz ubel kan zv gṽte befcheiden.
 21,9 Du portnerinne vor hellebanden.
 21,10 gar fund̃ troft dine helf ich fp̃ur.
 21,11 dv vñ din fun der helleftur.
 21,12 fint unfer fchirm. vor funden vñ vor fchan=den.
- 22,1 Gegr̃vzet fis dv kunigī.
 22,2 Maria volliv tugende. ein durchluhtiĝ funnē fchin.
 22,3 du biſt ouch volliclichen. aller vroude eín ewiclich̃ hort.

- 22,4 vn̄^h herre fi mit dir.
 22,5 fo daz ir mit einander bei=de sit genedic mir.
 22,6 vñ von mir fundere r̄vcht v̄nemē minv clagendiv wort.
 22,7 Di=ne hohe gnade vrowe an mir erzeige.
 22,8 e mich divwil des todes angeft neige.
 22,9 gebenedit vor allen wiben.
 22,10 fi din reiner kufch lip.
 22,11 dv m̄v̄t magt vñ nit ein wip.
 22,12 gefegent fi din vruht vor allen liben.
- 23,1 Er ift ein feldenricher man.
 23,2 der mit ftetem dinfte wil wesen vrowen vn̄dan.
 23,3 ob fich des vnderwindet ein reine wip di rehter ma=ze phligt.
 23,4 Sumliche fint aber fo gem̄vt.
 23,5 fwaz fi h̄v̄=te vn̄priſt daz fi daz morn dunket ḡvt.
 23,6 wie fol man den gewarten. den hat vnmaze volliclichen ane= gefigt.
 23,7 Div eine m̄inet brennen div andere rou=ben.
 23,8 difiv m̄inet den vre=chen di eine den touben.
 23,9 fvmeliche [welnt] zv den hubfchen phlihten.
 23,10 f̄umliche m̄inēt di tvmben gar.
 23,11 etfliche nement der richen war.
 23,12 Er felic man der fich da mac v̄rihten.
- 24,1 Gedinge hohet mir den m̄vt.
 24,2 nv nidert in ein for=ge. di mir vil dicke vn̄fanfte tv̄t
 24,3 fwen ich in hohem wane mit vrowden bin. fo tr̄vbet mich ein leit.
 24,4 Den wehfel tribet min ge=danc.
 24,5 hin vñ her. der zwi=uel mich ie herzeclichen twanc.
 24,6 kund ich mich des vereinen mit dir daz fi fo lange mir verfeit.
 24,7 Hort ich ein f̄vzez ia noch von ir mvnde.
 24,8 daz fi vil min=niclichen ſprechen kunde.
 24,9 d̄iv reine f̄vze wol getan.
 24,10 daz neme ich vur ein wa=rez nein.
 24,11 daz wort ift her=ter dan ein ſtein.
 24,12 fwa es vil gefchiht. da wirt man v̄rivndes ane.
- 25,1 Triftram der leit vil groze not.
 25,2 von eines wibes minne lac er vil iemer=lichen tot.
 25,3 daz quam von finen tr̄iwen di felbe m̄i=ne vz eime glaſe er tranc.
 25,4 Daz felbe ouch ich getr̄vkē han.
 25,5 vz miner frowen ou=gen. da uon ich in grozē kumber ftan.
 25,6 des mac mir nit gehelfen des meien ſchin. noch cleiner vogelline fanc.
 25,7 fi hat mich v̄=wundet alfo fere.
 25,8 durch min herze. mit ir minnegere.
 25,9 ez enfi daz mich noch ir troft heile.
 25,10 ich were anders ſchire tot.
 25,11 wand ir vil f̄vzer munt fo rot.
 25,12 der werde noch mir fenedem man zu teile.

- 26,1 Vrowe miner frouden heil.
 26,2 mines libes wunne. vñ aller miner felden teil.
 26,3 din gŷte mich des betwinget daz ich dir immer ſpriche lobes wort.
 26,4 Ob allen vrowen felic wip.
 26,5 mit wiplich gŷte. minniclicher ſchoner lip.
 26,6 der werdikeit ein blŷme wiplicher zuht vñ eren ganzer hort.
 26,7 din roter munt. din liechter ougen blicke
 26,8 habent mich verleit in der minne ſtricke
 26,9 fo daz ich herz vñ aldi ſinne
 26,10 in dine gnade han gegeben.
 26,11 fwie du wilt fo wil ich le=ben.
 26,12 ich bin din dienſt. du min gebieterinne.
- 27,1 Sich vmme dich uil fe=lic wip.
 27,2 in minem herzen vindes du ieman da wan dinen lip.
 27,3 fo la mich gar uerderben. mit vngenadē an min ende leben.
 27,4 Siſt aß du da gewaltic min.
 27,5 vil felic wip. fo la mich baz in dinen hulden ſin.
 27,6 ich enkan nit wol gewerben. dine tu=gende habent min herze dir gegeben.
 27,7 daz has du felic vrowe gar durchgangen.
 27,8 ich han dich dicke ſchone dar in geuangen.
 27,9 fo ich fo liep an dich gedahte.
 27,10 fo wart mir eine wile baz.
 27,11 dar nach ich dicke truric faz.
 27,12 diz kurze liep mir langez leit ie brahte.
- 28,1 Sit trvwe iſt al ð werlte gŷt.
 28,2 fit trivwe iſt aller feldē dach. getriwelichen. mŷt.
 28,3 han ich gegen der uil gŷten. di mines herzen kunigine ie was.
 28,4 vñ immer mŷz ane ende ſin.
 28,5 mir liep vor allen vrowen liep vñ liep dív vrowe min.
 28,6 ſi minniclich ſi gŷte. min triwe iſt ueſter dan ein adamas.
 28,7 Gein ir. ſi iſt mines wunſches padis.
 28,8 vñ miner wunne gar ein blŷndez rīs.
 28,9 vñ mines alts ein ſŷzīv ivgende.
 28,10 miner felden ein hoher vunt.
 28,11 miñ vrōde ein wernder grunt.
 28,12 mich troſtet ir ſchone. ir kŷ=ſche. vñ ouch ir tugende.
- 29,1 Der gŷten wibe werdikeit.
 29,2 wil ich mit Worten vñ mit fange immer gerne machen breit.
 29,3 von getriwes herzen grunde durch die vil herzelieben vrowun min.
 29,4 An der min hoheſte vroude ſtat.
 29,5 ir kuſche. ir ſchone. ir miniclicher lip beflozzē hat.
 29,6 min herze fit der ſtunde daz mich enphinc ir liechter ougen ſchin.
 29,7 Da wart ich als minniclich enphangen.
 29,8 dauon min truren was uil gar zergangen.

- 29,9 fwa fi nv fi di minnicliche.
29,10 fi ift mîr in dem herzen bi.
29,11 ir lip ift alles wandels vri.
29,12 da uon bin ich an hohem mûte rich.
- 30,1 Wir wellen daz div mîne fi.
30,2 in dem wage. vñ vf der erde. vñ ouch den luften bi.
30,3 dar zv in himelriche so ift fi werde di minne vñ ouch vil liep.
30,4 Sit fi der meister=schefte phligt.
30,5 daz fi den ho=hen kunigen alfam den ar=men angefigt
30,6 so endarf ouch ich nit zurnen. vnde stilt fi mir gedank alfam ein diep.
30,7 Nu merket daz ob man di minne fehe.
30,8 waz man ir gewaltes danne ie=he.
30,9 fit fi so tougenlichen wû=den.
30,10 kan beidiv wip vnde man.
30,11 div minne wol ge=vûgen kan.
30,12 liep vñ leit daz maniger hat bevunden.
- 31,1 Alle schvle fint gar ein wint.
31,2 wan div schvle al eine. da di minnere fint.
31,3 di ift so kunft wîfe daz man ir mûz der meisterschefte iehen.
31,4 Ir befem zamt so wilden man.
31,5 daz er nie gehorte noch ge=fach daz er daz kan.
31,6 ich we=ne nieman so hoher schvle habe gehort oð gefehen.
31,7 Di minne leret di vrowen schone grvzen.
31,8 di minne leret manigen spruch vil fvzen.
31,9 di minne leret gro=ze milte.
31,10 di mîne leret gro=ze tvgende.
31,11 di mîne leret daz di iugende.
31,12 kan ritter=lich gebaren vnð schilte.